



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Bibliotheca Pontificia

Jacob, Louis

Lvgdvni, 1643

G.

**urn:nbn:de:hbz:466:1-11153**

Obiit Constantiæ in Concilio generali die 6. Kalend. No-  
uembris ann. 1417. Patauitum corpus translatum, ibidem in  
Ecclesia Cathedrali sepultum est, cum Epitaphio in Sacello  
B. Virginis, sub marmoreo tumulo.

*Fridericus Nausea Blancampianus*, Germanus, Consiliarius Cæ-  
sareus, & Episcopus Viennensis in Austria, scripsit

*S. Petri Apostolorum Principis vitam.*

*De Concilijs lib. 5. ad Paulum III. Papam.*

Claruit anno Domini 1550. sub Iulio III. Romano Pon-  
tifice.

*Fridericus Staphylus*, Osnaburgensis, VVestphalus, Scholæ In-  
goltstadiensis Superintendentens, Theologus, edidit

*De Romano Pontificè in defensione aduersus Illyricum.*

Claruit anno salutis 1576. sub Gregorio XIII. Papa.

*Fronto Ducæus*, Burdegalenfis, Vasco, S.I. Theologus, edidit

*S. Gregorij Magni Romani Pontificis vitam.*

Migravit Parisiis anno Domini 1624. die 26. Septembris,  
sub S. D. N. Urbano VIII. Romano Pontifice.

*Fulgentius Manfredus*, Ordinis Minorum Theologus, edidit

*Exceptionem contra citationem per edictum Cardinalium Ro-  
manorum in causa Veneta. Extat tom. 3. Monarchiæ prohibitiæ  
Melchioris Goldasti Calvinistæ.*

Vixit sub Paulo V. Summo Pontifice.

## G.

**G**ABRIEL BIEL, Germanus, Ordinis Clericorum in com-  
muni viuentium, Theologus, scripsit ad Pium II. Papam  
*Defensorium obedientiæ Apostolicæ.*

Floruit anno Domini 1477. sub Sixto IV. Rom. Pont.

*Gabriel Martinus*, Gratianopolitanus, Delphinus, Abbas Clauso-  
næ, edidit Gallicè

*Inscriptionem in falso in librum Marci Vulsonis Calvinistæ de  
auctoritate Summi Pontificis, & libertatibus Ecclesiæ Gallicanæ.*

Gratianopoli apud Petrum Verderum anno 1640. in 8.

Vixit hoc anno salutis 1642. sub Urbano VIII. Papa.



*Gabriel Naudæus*, *Nandé*, Parisinus, Canonicus Viridunensis, ac Eminentissimi Francisci Cardinalis à Balneo de Bagny à Bibliothecis, postea munificentissimi Principis Cardinalis Antonij Barberini, nunc verò Eminentissimi Cardinalis Iulij de Mazzarini Nobilis Aulicus à litteris, edidit

*Apologiam pro Sylvestro II. & Gregorio VII. Romanis Pontificibus.* Legitur in sua *Apologia*, pro viris illustribus incantationum & magiæ falsò postulatis *cap. 19.* Parisiis apud Franciscum Targam 1625. in 8. Gallicè edita.

*Panegyricum dictum S. P. Urbano VIII. ob beneficia ab ipso Thomæ Campanellæ Dominicano collata.* Extat MS. apud Auctorem.

Viuit Parisiis hoc anno 1642. sub Urbano VIII. Pontifice Maximo, cui fausta omnia precamur; sed quia ingenui est animi fateri per quos profeceris, ne sit pudori turpiter in furto deprehendi, palam testor, me multa, viuæ vocis oraculo, consilio, litteris, ac scriptis ab hoc viro Clarissimo accepisse. Viuat igitur ille,

*Quo sine nulla meis quæretur gloria rebus.*

*Gabriel Palæottus*, Bononiensis, ciuis & Archiepiscopus, tandem S. R. E. Presbyter Cardinalis tit. S. Martini in Montibus, postremò Episcopus Sabinus, edidit

*De sacri Consistorij consultationibus*, lib. Venetiis 1594. in 4.

Obit Romæ anno Christi 1597. 11. Kal. Augusti; eius corpus postea Bononiam delatum, sepulturam accepit in Ecclesia Cathedrali, & in sepulchro, quod sibi viuens paraauerat, conditum, sub Clemente VIII. Papa.

*Gabriel Pennotus*, Canonicus Regularis S. Augusti & Abbas, edidit

*De Romanis Pontificibus Ordinis Canoniorum Regularium.*

*Gabriel Vasquez*, Bellemontanus, Hispanus, S. I. Theologus, edidit

*De Romano Pontifice tractatum.* Legitur in *Commentarijs in tertiam partem D. Thomæ Aquinatis.*

Obit sub Clemente VIII. Pontifice Maximo, Compluti anno Domini 1604. die 23. Septembris.

*Gallo Franci ad Philanetum epistola pro libertate status & Reipublica Venetorum.* Extat tom. 3. *Monarchia* Melchioris Goldasti



daſti Calvinistaë à pag. 405. vsque ad 414.

*Garnerus Gallus*, Abbas Ordinis S. Benedicti, Pepino Francorum Regi charus, scripsit

*Orationem, quam habuit ad Aistulphum Italia Regem, pro pace concilianda inter Stephanum III. Papam, eundemque Aistulphum & Pepinum, cuius erat Orator. Legitur Gallicè in historia Constantiniana R. P. Ioannis Morini, Blesensis, Presbyteti Congregationis Oratorij part. 3. cap. 16.*

Vixit sub Stephano III. Romano Pontifice.

*Gaspar Contarenus*, Venerus Senator, Episcopus Bergomensis ac S.R.E. Presbyter Cardinalis tit. S. Praxedis, Bononiæ Legatus, scripsit

*De potestate Romani Pontificis in usu clauum, Paulo III. Papæ,*

*De potestate Romani Pontificis in compositionibus, librum Paulo III. etiam dicatum.*

Obit Bononiæ anno Domini 1542. sub Paulo III. Papa. Iacet in Ecclesia Cathedrali.

*Gaspar Ferdinandus*, Hispanus, patriâ Toletanus, S. I. Theologus, scripsit

*De statu & officio S.R.E. Cardinalium, lib. 3.*

Decessit Toleti anno Christi 1575. mense Octobri sub Gregorio XIII. Rom. Pont.

*Gaspar Gonsalvus*, Hispanus, S. I. Theologus, edidit

*Orationem, quam habuit Romæ ad S. D. Gregorium XIII. Papam nomine Francisci Bungi Regis, pro Iaponij Legatis anno 1582. die 23. Martij. Prodiit Romæ 1582.*

Claruit sub Gregorio XIII. Pontifice Maximo.

*Gaspar Odontius*, Germanus, scripsit carmine

*Historiam SS. Petri & Pauli Apostolorum. Altorfij anno 1584. in 4.*

Vixit sub Gregorio XIII. summo Pontifice.

*Gaspar Scharzigerus*, vel *Schatigerus*, Bavarus, Ordinis Minorum Theologus, edidit

*De Primatu Pontificis & Ecclesie Romanæ præminentia.*

Floruit anno salutis 1525. sub Clemente VII. Papa.

*Gaspar Schoppius*, vel *Schoppus*, Francus, edidit

*Narratio*



*Narrationem historicam, eorum qua in nuptijs Philippi III. Hispaniarum Regis, cum Margarita Austriaca, item Alberti Austria Archiducis cum Isabella Clara Eugenia Hispaniarum Infante, Ferraria presente Clemente VIII. summo Pontifice celebrante, memorabilia acciderunt, conscripta stylo Gasparis Schoppj Franci. Ingolstadij anno 1599. in 4. typis Andreae Angennarij.*

*De Antichristo in 8. ex Ioannis Molani Bibliotheca materiarum, v. Antichristus.*

*Gaspar de Simeonibus, Aquilanus, Italus, edidit*

*Heroas, in quibus Carmine Heroës nostri æui Principes, singulos integra Panegyri, celebrat. Celebriores sunt, Urbanus VIII. summus Pontifex, Imperator, Reges, alique Principes, & Cardinales.*

*De laudibus S. Gregorij Magni, Protectoris Academia Humoristarum, orationem Italicam.*

*Viuebat Romæ anno Domini 1632. sub Urbano VIII. Papa.*

*Gaspar Veronensis, Italus, scripsit*

*De gestis Pauli II. Chronicon. Extat M.S. Romæ in Bibliotheca Barberina ex relationibus Cl. V. Gabrielis Nudæi, mihi amicissimi, & huius Bibliothecæ primi excogitatoris.*

*Vixit sub Paulo II. Romano Pontifice, ni fallor.*

*Gaspar Vrsinus Velius, aliàs Silesius, Poëta Regius, edidit*

*De Romanis Pontificibus & Imperatoribus. vsque ad annum 1540. Francofurti apud Egenolphum in 8.*

*Claruit sub Paulo III. summo Pontifice.*

*Gennadius Scholaris, Græcus, Patriarcha Constantinopolitanus, scripsit*

*De Primatu Romana Ecclesia orationem. Extat tom. 4. Bibliothecæ Patrum. Prodiit etiam Dilingæ 1581. in 8. Fabeo Be-neuolentio Senensi Interprete.*

*De Romano Pontifice in defensione Capituli V.*

*Viuebat sub Eugenio IV. Romano Pontifice.*

*Gentilis, Episcopus Aretinus, Orator Florentinorum, edidit*

*Orationem habitam nomine Florentinorum ad Alexandrum VI. Romanum Pontificem. Parisiis apud Hieronymum de Marnef 1577. in 16.*

*Claruit*



Claruit sub Alexandro VI. Papa.

*Georgius Abbas*, cognomento *Amortolus*, Græcus, scripsit  
*De Romanis Pontificibus*, in historia Ecclesiastica, MS. Græcè, quam eruditissimus Leo Allatius editurus aliquando latinitate donat.

Quando vixerit nihil certi habeo.

*Georgius Blandrata*, Italus, Bonifacij Marchionis Montisferrati Orator Romanus, scripsit

*Orationem, quam habuit Romæ, nomine Bonifacij Marchionis Montisferrati ad Alexandrum VI. summum Pontificem.* Sub quo vixisse perhibetur.

*Georgius Duckettus*, edidit

*Carmina in Columnam à Paulo V. Pontifice Maximo à veteri Pacis templo in Exquilinum translata.* Extant in Romano Pontifice Bzouij.

Viuebat Romæ sub Pontificatu S. D. Pauli V. Papæ.

*Georgius Gengerus*, & alij tres Iurisperiti, scripserunt

*Responsa aduersus obiecta Papæ, de Imperatoris electione, rationeque Imperij.* Afferuantur MSS. in Bibliotheca Imperatoris.

*Georgius Lilius*, scripsit Laconicè ex Posseuini *Apparatu sacro, Romanorum Pontificum seriem.* Venetiis apud Michaëlem Tramezinum anno 1548.

Claruit sub Paulo III. Pontifice Maximo.

*Georgius Sauromanus*, Caroli V. Imperatoris Orator, edidit

*Orationem, quam dixit Hadriano VI. Romano Pontifici nomine Caroli V. Imperatoris, Romæ in Aula Regia.*

*Georgius Scherctus*, Suecensis, Germanus, S. I. Theologus, edidit

*In fabulam Papissæ Ioannæ, librum.* Prodiit Germanicè & Italicè.

*Novem Conciones, quòd Pontifex Romanus non sit Antichristus, ut heretici verè Antichristi blasphemant.*

Claruit sub Pontificatu S. D. Pauli V. Papæ.

*Georgius Serra*, Chienensis, Græcus, & Collegij Romani Græcorum Alumnus, edidit

*In Sacellum & statuam Pauli V. Pontif. Romani Carmina Græca.*

S s

Viuebat



Viuebat Romæ sub Paulo V. Papa.

*Georgius Steubius*, vel *Steubus*, Germanus, Theologus, edidit  
*Disputationem de summo Pontifice Romano Christi in terris  
Vicario B. Petri successore*. Dilingæ apud Ioannem Mayer 1589.  
in 4.

Claruit sub Sixto V. Pontifice Maximo.

*Georgius VVicelius*, aliis *Vallius*, Germanus, S. Thom. Doctor, &  
Parochus Facchensis, scripsit

*Epitomen Romanorum Pontificum à S. Petro vsque ad Pau-  
lum III.* Colonia 1549. 8. typis Quintilianis.

*Adhortatiunculam, vt vocetur Concilium, ad Archiepisco-  
pum Moguntinensem, &c. & priuatim scriptam, anno Domi-  
ni 1532.* Extat tom. 1. *Monarchia* Melchioris Goldasti Calui-  
nistæ à pag. 653. & 655.

Floruit sub Pontificatu Pauli III. Romani Pontificis.

*Gerardus Iansenius*, Germanus, Theologus, edidit  
*De auctoritate Ecclesie & Romani Pontificis tractatus X.* Co-  
loniæ apud Maternum Cholinum anno 1576. in 4.

Claruit sub Gregorio XIII. summo Pontifice.

*Gerardus Magnus*, vulgò *Groot*, Dauentriensis, Doctor Pari-  
siensis, & Aquensis Ecclesie Canonicus, deinde Ordinis fra-  
trum in communi viuentium Institutor, scripsit

*De schismate inter Vrbanum VI. & Clementem VII. Pseudo-  
pontificem, epistolam vnã.*

Obiit anno Domini 1384. die 24. Augusti, sub Urbano VI.  
& sepultus Dauentriæ in Ecclesia B. Mariæ cum Epitaphio  
à Francisco Svertio in *Athenis Belgicis* relato.

*Gerardus Moringus*, Nouiomagus, aliis Bommelanus, Gelder,  
Theologus Louaniensis, ibidem ad S. Gertrudem Pastor,  
deinde ad S. Trudonem in ditione Leodicensi, scripsit

*Vitam Hadriani VI. Pontificis Maximi.* Louanij 1536. apud  
Rutgerum Ruscium in 8.

Obiit Trudonopoli anno salutis 1556. die 9. Octobris, sub  
Paulo I V. Papa.

*Gerardus Vossius*, Eburo, Præpositus Tungrensis, ac S. Th. Do-  
ctor Romanus, edidit ex *Athenis Belgicis* Francisci Svertij

*B. Leonis I. Pont. Max. opera, auxit & illustrauit, sed inedita.*

Hilarij



*Hilarij Papa Acta & Epistolas aliquot.*

*Gesta quadam ac monumenta Gregorij IX. Pontificis Maximi Græcolatina cum scholijs. Romæ apud Bartholomæum Bonfadinum 1587. in 4.*

*Sancti Ioannis Chrysostomi quadam in Apostolorum Principes Petrum & Paulum, eorundemque gloriosissimum Martyrium. Item in 12. simul Apostolos, cum scholijs.*

Decessit Leodij anno Domini 1609. die 25. Martij, sub Paulo V. Papa.

*Geroshus, alius Gersonus, Reichenspergensis, Germanus, scripsit*

*De Henricis IV. & V. Imperatoribus, & Gregorio VII. nonnullisque consequentibus Romanis Pontificibus. Prodiit anno 1611. studio Jacobi Gretseri Cermani, S. I. Theologi celeberrimi.*

*Gervasius Ricobaldus, Ferrariensis, Italus, scripsit*

*Romanorum Pontificum vitas à S. Petro vsque ad Bonifacium VIII.*

Claruit anno virginei partus 1300. sub præfato Bonifacio VIII. Papa.

*Gilbertus Foliothus, Anglus, ex Leicestrensi Abbate S. Augustini Canonorum Regularium Episcopus Herefordensis, deinde Londinensis, scripsit*

*Super executione mandati Alexandri III. Romani Pontificis, librum. Cuius exordium est, Mandatum vestrum Pater.*

*Pro causa Henrici II. ad Alexandrum III. librum 1. incipit, Vestram paternitatem meminisse.*

Obiit anno Domini 1187. sub Gregorio VIII. Romano Pontifice.

*Gilbertus Genebrardus, Aruernus, Benedictinus Mausacensis, Doctor Sorbonicus ac Linguarum Sanctarum & Hebraicarum Professor Regius, Prior Semuriensis, deinde Archiepiscopus Aquisgranensis nominatus, edidit*

*De Romanis Pontificibus, in sua Chronographia, fol. Parisiis edita. Migravit Semuri apud Mandubios anno salutis 1597. die 14. Martij, sub S. D. Clemente VIII. Papa, sepultus est in Choro sui Prioratus cum simplici inscriptione sepulchrali,*



in nostra Bibliotheca Gallicana vniuersali,relata.

*Godofredus Bouffardus*, Cenomanensis, Gallus, Doctor ac Cancellarius Vniuersitatis Parisiensis, scripsit

*Orationem, quam habuit Bononiae anno 1505. ad Iulium II. Papam.*

*Gomezus Suares*, Dux Ferae, ac Villaluae Marchio, Orator Philippi III. Hispaniarum & Indiarum Regis, scripsit

*Orationem habitam Romae in Aula Regia nomine dicti Philippi ad Paulum V. Pontificem Maximum anno salutis 1607.*

*Gondisalvus de Villadiego*, Hispanus, edidit

*De origine & potestate S.R.E. Cardinalium librum. Extat tomo 13. tractatum iuris p. 2.*

*Gonsalvus de Illescas*, Hispanus, Monachus & Abbas S. Fromes, edidit Hispanicè

*Historiam Pontificiam & Catholicam. Salmanticae 1574 Caesaraugustae 1583. Brugis in Belgio apud Martinum Victoriam 1589. & Barcinonae 1606.*

Vixit sub Gregorio XIII Summo Pontifice.

*Gosfridus*, Scotus, edidisse compertum habeo ex Thoma Dempstero lib. 7. de historia Ecclesiastica Gentis Scotorum

*S. Petri Apostolorum Principis historiam*, in sua historia Apostolica.

Claruit sub sancto Gregorio Magno, Pontifice Romano.

*S. Gregorij I. Papae vita*, incipit, *Gregorius vrbe Romulea, Patre Gordiano editus non solum spectabili Senatorum prosapia, &c.* Extat in Sanctuario MS. Romae in Bibliotheca Barberina asseruato fol. 125. 4. Idus Martij.

*S. Gregorij item I. Papae vita*. Extat etiam in Menologio Graecorum MS. ibidem asseruato, die 12. Martij.

*Gregorij XI. Papae vita*, ab Anonymo conscripta, MS. Romae in eadem Bibliotheca Barberina.

*Gregorij XII. Papae Diarium* MS. ibidem.

*Gregorij XIII. Papae Conclauae, Diaria & vita eiusdem* ab Anonymo conscripta, MS. ibidem.

*Gregorij XIII. Pontificis Maximi viua imago*. Venetiis apud N. Nolli anno 1572.

*Gregorij*



Gregorij XIV. Papæ Conclauæ & Diaria MSS. Romæ in Bibliotheca Barberina.

Gregorij XV. Papæ Conclauæ & Diaria MS. ibidem.

Gregorius Archangelus Lesleus, Scotus, Ordinis Capuccinorum Theologus, scripsit

*De potestate Papæ in Principes seculares directæ Tractatus 2.*

Vixit sub S. D. N. Urbano VIII. Pontifice Maximo.

S. Gregorius, Aruernus Episcopus 19. Turonensis, scripsit

*De Romanis Pontificibus in historia Francorum.*

*De rebus gestis S. Gregorij Magni libro 10. Historiarum.*

*S. Petri Apostoli res gestas.*

*De S. Petro Apostolo & Simone Mago lib. 2. Historiarum.*

Obiit Turone anno Domini 595. vel 600. die 17. Nouembris, sub S. Gregorio I. Romano Pontifice.

Gregorius Cortesius, Mutinensis, Ordinis S. Benedicti Monachus Cassinensis & Abbas, deinde S. R. E. Presbyter Cardinalis tit. S. Cyriaci in Thermis, scripsit

*Librum, quod S. Petrus Romæ fuerit, Hadriano VI. Venetiis anno 1573. in 4.*

*De potestate Ecclesiastica.*

Obiit Romæ anno salutis 1548. 11. Kalend. Octobris, sub Paulo III. Papa: sepultus est in Basilica sanctorum duodecim Apostolorum ante altare S. Eugenij.

Gregorius Heimburgius, Germanus IC. & Consiliarius Austriacus, scripsit

*Admonitionem de iniustis usurpationibus Paparum Romanorum, ad Imperatorem, Reges & Principes Christianos. Extat tomo 1. Monarchiæ damnatæ Melchioris Goldasti Caluinistæ à pag. 557. vsque ad 563.*

*Scholia in Breue Papa Pij super excommunicatione. Extant tom. 2. Monarchiæ Goldastinæ pag. 1591.*

*Apologiam contra Episcopum Feltrensem, pro iure Principum. Extat tom. 2. Monarchiæ Goldastinæ à pag. 1604. vsque ad 1624.*

*Inuectiuam in Nicolaum Cusanum Cardinalem Papalis plenitudinis defensorem, tom. 2. Monarchiæ Goldastinæ prohibite à pag. 1624. vsque 1635.*

Vixit tempore Pontificatus Pij I.



Gregorius Luzianus, Taruifinus, Italus, Ordinis Prædicatorum, scripsit

*Res gestas Benedicti XI. summi Pontificis.*

*De S. Syluestro I. Papa Homiliam.* Extat noua inter *Homilias* in Euangelia.

S. Gregorius Magnus, Papa, scripsit

*Epistolas quasdam ad historiam Pontificiam pertinentes.*

Gregorius, Monachus Benedictinus, S. R. E. Cardinalis, scripsit

*S. Leonis Papæ vitam, ex Calzolari in historia Monastica, & Turrigio de Cardinalibus scriptoribus.*

Floruit anno Christi 1144. sub Lucio II. Romano Pontifice.

S. Gregorius Nazianzenus, Episcopus Sasimorum, deinde Nazianzenus, postremò Patriarcha Constantinopolitanus, scripsit Græcè

*De S. Petro Apostolorum Principe in suo de 12. Apostolis tractatu.*

Obiit anno salutis 390. die 9. Maij, sub Siricio Papa.

Gregorius Ossolinus, Polonus, Dominus in Ossolino, Comes de Thenzyn, Thesaurarius Curia Regni Poloniae, Præfectus Bidgostiensis, Ricensis, Adzeliensis, &c. habuit

*Orationem Romæ in Aula Regia Vaticana die 6. Decembris 1633. cum Serenissimi ac Potentissimi Vladislai IV. Regis Poloniae, & Suetiae, electi Magni Moscarum Ducis nomine S. D. N. Urbano VIII. Pont. Max. obedientiam præstaret, à Dominico Roncallio Prothonotario Apostolico sacrae Regiae maiestatis Secretario in lucem editam. Romæ apud Franciscum Caballum anno 1633. in 4. Latinè. Vidi MS. Grationopoli apud Cl. V. D. Laigneau.*

Gregorius Polydorus, Pistoriensis, Tuscus, Augustinianus, Theologus, edidit librum, quem inscripsit

*Gregorianum, vbi de quatuordecim Gregorijs Romanis Pontificibus, &c. Florentia apud Michaëlem Angelum Sermartellum anno 1598.*

Viuebat sub Clemente VIII. Romano Pontifice.

Gregorius Portius, Anconitanus, Italus, edidit

*In Columnam à Paulo V. Pont. Max. ex veteri Pacis templo*



*in Exquilinum translata Carmina. Leguntur in Romano Pontifice Abrahami Bzouij.*

*Vrbano VIII. Pont. Opt. Max. Panegyrim. Romæ apud Iacobum Mascardum 1632. & deinde auctiorem 1633. in 4. Barberinam Elionem. Romæ anno 1634. in 4. Latinè.*

Viuebat Romæ anno Domini 1634. sub Vrbano VIII. Papa.

Gregorius, Presbyter, scripsit

*S. Gregorij Magni Papa vitam, ex Antonio Posseuino in Apparatu sacro.*

Gregorius Sondereiter, Germanus, scripsit Heroico Carmine

*Constantini Magni Imperatoris vitam, vbi de S. Syluestro I. Papa. Extat Latinè MS. Viennæ in Bibliotheca Imperiali.*

Gregorius de Valentia, Methymnensis, Hispanus, S. I. Theologus, edidit

*De Romano Pontifice, in Analyfi fidei, & Commentariis in D. Thomam Aquinatem.*

Obit Neapoli anno Domini 1603. die 25. Aprilis, ætatis 54. sub Papa Clemente VIII.

Gualterus Dissæus, Anglus, Carmelita, Doctor Academia Cantabrigiensis, Vrbani VI. & Bonifacij IX. Legatus à Latere, scripsit

*De schismate Ecclesie inter Vrbantum VI. (vt puto) legitimum Pontificem, & Clementem VII. Pseudopontificem librum 1.*

Migravit Norvvici in Anglia anno Domini 1404. die 21. Ianuarij sub Bonifacio IX. sepultus est in Choro sui Monasterij.

Gualterus Huntus, seu Venantius, Anglus, Carmelita, Doctor Oxoniensis, scripsit aduersus Græcos & Armenos

*De præcellentia S. Petri Apostoli, librum 1. incipit, Petrus Apostolorum Princeps, &c.*

*De Pontificum Iurisdictione, libros 3. Incipiunt, Suprema militantis Ecclesie.*

*De Vniuersali Pontificum dominio, libros 3. ex Ioanne Pitseo de Illustribus Angliæ Scriptoribus.*

Decessit Oxonij anno Christi 1478. die 28. Nouembris, sub Sixto IV. Romano Pontifice.

Gualterus



*Gualterus Mapus*, Anglus, scripsit

*In Papam & Curiam Romanam*, lib. 2. ex Ioanne Balæo Apostata in Catalogo scriptorum Angliæ.

Vivebat anno à partu vigineo 1210. sub Innocentio III. Papa.

*Guarinus*, Veronensis, Italus, scripsit

*Gratulationem ad Nicolaum V. Romanum Pontificem, de eius electione*. Extat M S. Oxoniæ in Bibliotheca Collegij Lincolniensis.

Claruit sub præfato Nicolao V. Papa.

*Guasparinus*, Bergomensis, Italus, scripsit

*Carmina gratulatoria ad Alexandrum V. Rom. Pont.* Extant M S S. apud Reuerendissimum D. Iacobum Philippum Tomasinum Patavinum Ordinis S. Georgij Venetiarum de Alga Canonicum ac Visitatorem Generalem, nunc verò Episcopum nouæ ciuitatis in Istria, mihi amicissimum.

*Guido Antonius Arcimboldus*, Parmensis, Archiepiscopus 119. Mediolanensis, Ludouici Sfortiæ Orator Romanus, scripsit

*Orationem, quam habuit Romæ, nomine Ludouici Sfortiæ ad Innocentium VIII. Romæ Pont.*

Claruit sub dicto Innocentio VIII.

*Guido Terrena*, Cathalanus, Perpinianus, vulgò *de Perpiniano* dictus, Carmelita, Doctor Sorbonicus, & Prior Generalis totius Ordinis duodecimus, deinde Episcopus Maioricanus, & Elnensis, scripsit

*Pro Romano Pontifice, aduersus hæreticos, in summa de hæresibus*. Colonia anno 1631. in fol. apud Petrum à Brachel edita.

Obiit Auenione anno Christi 1330. sub Ioanne XXII. Papa; sepultus est apud Carmelitas, vbi vsque ad hunc diem visitur eius sepulchrum, vlla absque inscriptione.

*Guilielmus Alanus*, Lancastrensis, Anglus, Doctor Duacensis, Canonicus Cameracensis & Rhemenis, & Eboracensis ex Ciaconio, deinde S. R. E. Presbyter Cardinalis tit. S. Martini in Montibus, postremò Archiepiscopus Maciensis electus, scripsit

*Iustitia Anglicana consutationem, seu de intentione Pape in exigendis*



*erigendis seminarijs, contra librum ab hereticis in lucem emissum sub nomine iustitia Anglicana, librum 1.*

Obiit Romæ anno Domini 1594. 17. Kal. Nouembris sub Clemente VIII. Papa: sepultus est in Ecclesia Anglorum S. Trinitatis cum Epitaphio alibi relato.

*Guilielmus Barclaius*, Aberdonensis, Scotus, Ioannis Pater, Ducis Lotharingæ Consiliarius, ac supplicum libellorum Magister, edidit ad Clementem VIII. Papam Latine

*De potestate Papa*, Parisiis in 8. deinde Gallicè ibidem anno 1609. Prohibetur in *Indice Romano*, extat etiam tom. 3. *Monarchia*, Melchioris Goldasti Calvinistæ à pag. 621. usque ad 688.

Obiit Andegavi in Gallia anno salutis 1611. sub Paulo V. Papa.

*Guilielmus Bechius*, Florentinus, ex Priore Generali 27. Augustinianorum Episcopus Fesulanus, scripsit

*De potestate Ecclesiastica & Pontificia, librum.*

Obiit Florentiæ anno gratiæ 1495. sub Alexandro VI. Papa: sepultus est in Æde S. Spiritus.

*Guilielmus Bellaius*, Langæus, Eques Regius & Prorex Pedemontanus, scripsit

*Orationes, quas habuit ad Romanos Pontifices, dum apud eos fungebatur officio oratoris.* Extant MSS.

Obiit anno Verbi Incarnati 1543. die 9. Ianuarij, sub Paulo III. summo Pontifice. Iacet in Ecclesia S. Iuliani Cenomaniensis in sepulchro marmoreo.

*Guilielmus Blancus iunior*, Albiensis I. C. Sixti V. Pont. Cubicularius intimus, edidit

*Epigramma de imagine marmorea Pij V. in Sacello Sixtino collocata.*

*Epigrammata in Obeliscum Vaticanum, cum aliquot Anagrammatis, & Epigrammatis ad Sixtum V. Pont. Opt. Max.*

*Carmen Eucharisticum ad eundem.*

*Galliam ad eundem, carmine.*

*Aquas Felices ad eundem, carmine.*

*Epigrammata de translatione Pij V. à Vaticano in Exquilinum ad Sixtum V.*

T c

Epigram



*Epigrammata ad eundem Sixtum V. Centumcellis redeuntem, quo Pontificiam classem à se instructam inuiserat.*

*Epigrammata de statua aenea S. Petri.* Hæc Parisiis anno 1588. in 8. apud Federicum Morellum Typographum Regium.

Vixit sub Sixto V. Romano Pontifice.

*Guilielmus Cadoatus*, Episcopus Anfiacenſis, Galliarum Regis Orator, scripsit

*Orationem, quam habuit Romæ nomine Caroli VIII. Regis Christianissimi ad Innocentium VIII. Papam.*

*Guilielmus Caoursia*, aliis *Caoursin*, Eques Rhodius, Orator Magni Magistri Equitum Rhodi, scripsit

*Orationem obedientialem habitam Romæ nomine Magni Magistri ad Innocentium VIII. summum Pontificem.*

*Guilielmus Cremonensis*, Italus, ex Priore Generali 12. Ordinis Augustinianorum Episcopus Nouariensis, scripsit

*De auctoritate Apostolica librum 1. cuius titulus, Reprobatio sex errorum, &c. ex Thoma Gratiano in Anastasi Augustiniana.*

Vixit anno salutis 1343. sub Clemente VI. Papa.

*Guilielmus Durandus*, vel *Durantes*, dictus Speculator, natione Vasco, ex Decano Carnotensi Episcopus Gabalitanus, seu Mimatensis, scripsit

*Commentarium in SS. Concilium Lugdunense à Gregorio X. Rom. Pont. celebratum.* Fani anno 1579. in 4. apud Iacobum Mascardum.

Obiit Romæ, ibidemque sepultus in Ecclesia Dominicanorum S. Mariæ supra Mineruam.

*Guilielmus Eisengrenius*, Germanus, Theologus, edidit

*De Romanis Pontificibus aduersus nouam historiam Magdeburgensium*, quam Matthias Flaccus Illyricus & eius Collega nuper ediderunt. Monachij 1568. in fol.

Vixit sub Pontificatu S. D. Pij V. Papæ.

*Guilielmus Gatadegus*, Parmensis, scholarum Magister, ac S. R. E. Vicecancellarius & Bibliothecarius Apostolicus, scripsit

*Romanorum Pontificum vitas à S. Petro vsque ad Innocentium IV.*

Obiit circa annum Domini 1256. sub Alexandro IV. Papa.

Guilib



*Guilielmus Gazetus*, vel *Gazæus*, Artesius, Canonicus S. Petri Ariacensis, & apud Attrebatos ad S. Mariam Magdalenam Pastor, edidit

*Vitas Sanctorum*, tom. 2. vbi de Romanorum Pontificum Sanctorum vitis. Rhemis anno 1613. in 8.

Obiit Attrebatim anno salutis 1602. 8. Kal. Septembris: sepultus est in Ecclesia S. Magdalenæ anno ætatis 58.

*Guilielmus Insulanus Menapius*, Greuiburgensis, Præpositus Aquisgranensis, Ecclesiæ sancti Alberti, edidit opus inscriptum

*Aula*, quo libello refelluntur criminationes in Aulam Æneæ Sylvi & Hultrici Huteni. Colonix anno 1539.

Claruit sub Paulo III. Romano Pontifice.

*Guilielmus Lindanus Dordracenus*, Doctor Louaniensis, ex Decano Hagæ Comitum, Consiliario Regio, Episcopi Ultraiectini per Batauiam Frisiamque Vicario, primus apud Geldros Ruremundæ Episcopus, deinde secundus Gandauensis, scripsit

*Lachrymas Germanicas*, ad S. D. N. Gregorium XIII. quibus & sua illi exponit mala potissimum à Clericis non canonicè viuentibus.

*Romanum Pontificem verò ac meritò appellari uniuersalem Episcopum Ecclesiæ Christi*, lib. 1. *Dialogorum*.

Obiit Gandauim anno Christi 1588. die 2. Octobris, ætatis 63. sub Sixto V. Pont. Max. iacet in Cathedrali, tumulum habens communem cum Cornelio Iansenio eius Prædecessore cum Epitaphio.

*Guilielmus Malmesburiensis*, Anglus, Monachus Congregationis Cluniacensis, scripsit

*Chronicon Romanorum Pontificum*, libris 5, distinctum. Extat MS. Cantabrigiæ in Bibliotheca publica.

Decessit anno salutis 1142. sub Innocentio II. Romano Pontifice.

*Guilielmus Okamus*, Okam, Anglus, Franciscanus, Theologus, Parisiensis, scripsit venenoso calamo

*Disputationem super potestate Prælati Ecclesiæ, atque Principibus terrarum commissa*. Prohibetur in Indice Romano.

T t 2 Extat



Extat tom. 1. *Monarchia* Melchioris Goldasti Calvinistæ à pag. 13. vsque ad 18.

*Tractatum de iurisdictione Imperatoris in causis matrimonialibus.* Extat tom. 1. *Monarchia* Goldasti à pag. 21. ad 24. Prohibetur.

*Octo questionum decisiones super potestate summi Pontificis.* Extant tom. 2. *Monarchia* Goldasti à pag. 313. ad 395. Prohibentur.

*Dialogum de potestate Imperiali & Papali.* Extat tom. 2. *Monarchia* Goldasti à pag. 396. ad 957. Prohibetur.

*Compendium errorum Ioannis Papa XXII. de utili dominio rerum Ecclesiasticarum.* Extat tom. 2. *Monarchia* Goldastina à pag. 957. ad 977. Prohibetur.

*Opus nonaginta dierum de utili dominio rerum Ecclesiasticarum.* Extat tom. 2. *Monarchia* Goldasti à pag. 993. ad 1236. Prohibetur.

*Contra Ioannem XXII. Papam de paupertate Christi & Apostolorum Apologiam.* Prohibetur.

Obiit in Bauaria, alijs Capuæ, anno Domini 1320. die 20. Septembris sub Ioanne XXII. Papa, vt colligo ex eius Epitaphio in Athenis Franciscanis Henrici Villoti relato.

*Guilielmus Postellus*, Barentonius, Normannus, Auëtor damnatus primæ classis in *Indice Romano*, scripsit

*De æterno Christi in interioribus regno, & sacro Petri Primatu, iam ab Adamo per Noachum, Abrahamum, Moysen, & Christum ad nos vsque deducto, librum 1.*

Decessit Parisius in D. Martini Monasterio anno gratiæ 1581. die 6. Septembris circa annum ætatis suæ 100. ibidemque sepultus sub Gregorio XIII. Rom. Pont.

*Guilielmus Rouillius*, Turonensis, Typographus Lugdunensis, edidit

*Elogia quorundam Romanorum Pontificum.* Extant in *Promptuario Iconum insigniorum* Lugduni anno 1580. edito.

Floruit sub Gregorio XIII. Pont. Max.

*Guilielmus Sirletus*, Calaber, patriâ Stiliensis, S. R. E. Presbyter Cardinalis & Bibliothecarius, Theologus celeberrimus, scripsit

De



*De Romano Pontifice in Monarchia Ecclesiastica*, MS.

*De præstantia Basilica Vaticana S. Petri librum* I. MS.

Obiit Romæ anno Christi 1585. 8. Idus Octobris, sub Sixto V. Pont. Opt. Max. sepultus est in Ecclesia S. Laurentij in Pane & Perna.

Gundisalvus de Villadiego, edidit

*Tractatum de origine, dignitate, ac potestate S.R.E. Cardinaliū.*

Guviferus, Salernitanus, Monachus Ordinis S. Benedicti, scripsit *Passionem S. Lucij Papæ & Martyris*. Asseruat MS. in Bibliotheca Montis Cassini.

## H.

**H**ADRIANI I. Papæ *vita*. Extat MS. Romæ in Bibliotheca Barberina.

*Hadriani VI. Papæ Conclauæ & creatio*; *Diaria* Blasij de Cæsena & aliorum sub eodem, & Leone X. ac Clemente VII. à Felice Contelorio collecta. Extant MSS. Romæ in Bibliotheca Barberina.

Hanardus Gamerius, Mosæus, Germanus, edidit

*Pro Romano Pontifice, aduersus fallaces VVolfgangi Martij ineptias*. Colonix anno 1569.

Vixit sub Pio V. Pont. Opt. Max.

Hector Fliscus, seu de Flisco, Nobilis Genuensis, ac eiusdem Reipublicæ Orator, edidit

*De laudibus Innocentij VIII. Papæ orationem.*

*Orationem, quam habuit nomine Reipublicæ Genuensis ad Innocentium VIII. Papam*. Parisiis apud Hieronymum de Marnef 1577. in 16. An hæc oratio sit eadem cum superiori, nihil certi habeo, quia non vidi.

Claruit sub Innocentio VIII. Rom. Pont.

Henningus Arniseus, Germanus, patriâ Halberstadiensis, edidit

*De potestate temporali in Principes*, librum. Prohibetur in *Indice Romano*. Romæ anno 1640. in 8. ex Typographia Reuerendæ Cameræ Apostolicæ edito.

Henricus VIII. Angliæ Rex, ante hæresim, edidit

T t 3

Librum